



ГОВЬ-АЛТАЙ АЙМАГ

НИЙГМИЙН ХАРИУЦЛАГЫН ГЭРЭЭ

ГЭРЭЭНИЙ ДУГААР № ОТН-РО-1771



“ХАН АЛТАЙ РЕСУРС” ХХК

2023 оны 01 сарын 20 өдөр



ДАРГА



БАТЛАВ
АЙМГИЙН ЗАСАГ
О.АМГАЛАНБААТАР

НИЙГМИЙН ХАРИУЦЛАГЫН ГЭРЭЭ

Гэрээний дугаар № ОТН-РО-1771

2023 он 01 дугаар сарын 20 өдөр

(ЗАСАГ ДАРГА)	(КОМПАНИ)
<p>ГОВЬ-АЛТАЙ АЙМАГ БОЛОН ЕСӨНБУЛАГ СУМ</p>	<p>“ХАН АЛТАЙ РЕСУРС” ХХК</p>
<p>Монгол Улс, Говь-Алтай аймаг болон Есөнбулаг сумын Засаг дарга, түүний Тамгын газар</p>	<p>Монгол Улс, Улаанбаатар 15141, Чингэлтэй дүүрэг, 5-р хороо, Самбуугийн гудамж 24, М Плаза, 17-р давхар</p>
<p>Регистрийн дугаар:</p>	<p>Регистрийн дугаар: 6413811</p>
<p>Утас: 976</p>	<p>Утас: 976 77772727</p>
<p>Эрх бүхий төлөөлөгч: Говь-Алтай аймгийн Есөнбулаг сумын Засаг дарга А.Алтанхуяг</p>	<p>Эрх бүхий төлөөлөгч: ЭМААБООНЗ Ерөнхий менежер М.Мөнх-Эрдэнэ</p>
<p>Гар утас: 976 9901 6669 Е-шуудан: dagmaa.m@gmail.com</p>	<p>Гар утас: 976 8810 6740 Е-шуудан: munkh-erdene.m@khanaltai.mn</p>

ГЭРЭЭНИЙ ЗҮЙЛ: ХАРИЛЦАН ХАМТЫН АЖИЛЛАГАА**АЖЛЫН ТАЛБАР: МОНГОЛ УЛС, УЛААНБААТАР ХОТ
ГОВЬ-АЛТАЙ АЙМАГ, ЕСӨНБУЛАГ СУМ****ГОЛ НӨХЦӨЛ****НЭГ. НИЙТЛЭГ ҮНДЭСЛЭЛ**

1.1. Нэг талаас Говь-Алтай аймгийн Засаг дарга О.Амгаланбаатар, түүнийг төлөөлж Говь-Алтай аймгийн Есөнбулаг сумын Засаг дарга А.Алтанхуяг (цаашид “Засаг дарга” гэх), нөгөө талаас ашигт малтмалын тусгай зөвшөөрөл эзэмшигч “Хан Алтай ресурс” ХХК-ийн Гүйцэтгэх захирал Ц.Батпүрэв (цаашид “Тусгай зөвшөөрөл эзэмшигч” гэх) нар (цаашид хамтад нь “Талууд” гэх) дараах нөхцөлөөр харилцан тохиролцож энэхүү гэрээг байгуулав.

Засаг дарга

1 | 6

Компани



1.2. Энэхүү гэрээ нь Говь-Алтай аймгийн нутагт Ашигт малтмалын тухай хууль болон бусад хууль тогтоомжийн дагуу олгосон тусгай зөвшөөрөл эзэмшигч байгаль орчныг хамгаалах, уурхай ашиглах, үйлдвэр байгуулахтай холбогдсон дэд бүтцийг хөгжүүлэх, ажлын байр нэмэгдүүлэх асуудлаар нутгийн захиргааны байгууллагатай хамтран ажиллахтай холбогдсон харилцааг зохицуулна.

1.3. Тусгай зөвшөөрөл эзэмшигчийн MV-021537 дугаартай ашигт малтмал ашиглалтын тусгай зөвшөөрлийн талбайд орших газрын байгаль орчныг хамгаалах, нөхөн сэргээх, орон нутгийн иргэдийн амьдрах орчныг сайжруулах, ажлын байр нэмэгдүүлэх, дэд бүтцийг хөгжүүлэхэд бодитой хувь нэмэр оруулах төсөл, арга хэмжээг хэрэгжүүлэх зорилгоор талууд хамтран ажиллана.

ХОЁР. ЗАСАГ ДАРГЫН ЭРХ, ҮҮРЭГ

- 2.1. Энэхүү гэрээний хүрээнд Засаг дарга дараах эрх, үүргийг хэрэгжүүлнэ:
- 2.1.1. Хууль тогтоомжоор олгогдсон бүрэн эрхийн хүрээнд ашигт малтмал эрэх, хайх, ашиглах үйл ажиллагааг тогтвортой, хэвийн явуулах нөхцөлөөр тусгай зөвшөөрөл эзэмшигчийг хангах;
- 2.1.2. Гэрээний хүрээнд хэрэгжүүлсэн болон хэрэгжүүлэхээр төлөвлөж байгаа төсөл, арга хэмжээний талаар орон нутгийн иргэдэд танилцуулж, санал авах;
- 2.1.3. Энэхүү гэрээний хэрэгжилтэй холбоотой уулзалт, хэлэлцүүлэг зохион байгуулж, аймгийн иргэдийн Төлөөлөгчдийн Хурлаар баталсан төсөл, арга хэмжээнээс тусгай зөвшөөрөл эзэмшигчтэй хамтран хэрэгжүүлэх боломжтой төсөл, арга хэмжээг сонгож, тусгай зөвшөөрөл эзэмшигчтэй зөвшилцсөний үндсэн дээр энэ тухай иргэдэд мэдээлэх;
- 2.1.4. Тусгай зөвшөөрөл эзэмшигчийн зарласан ажлын байр болон бараа, ажил, үйлчилгээ худалдан авахтай холбогдсон мэдээллийг иргэдэд хүргэн ил тод, нээлттэй хэлбэрээр зохион байгуулах;
- 2.1.5. Тусгай зөвшөөрөл эзэмшигчийн байгаль орчныг хамгаалах менежментийн төлөвлөгөөний хэрэгжилтэд хяналт тавих;
- 2.1.6. Тусгай зөвшөөрөл эзэмшигчийн гаргасан хүсэлт, шаардлагыг хууль тогтоомжид нийцүүлэн шийдвэрлэж, зохих хариуг өгөх;
- 2.1.7. Тусгай зөвшөөрөл эзэмшигчдэд сум орон нутаг, төрийн байгууллагын албан хаагчид болон иргэдийн зүгээс хууль бус дарамт шахалт үзүүлэх асуудлыг таслан зогсоох, буруутай этгээдэд хариуцлага тооцох
- 2.1.8. Тусгай зөвшөөрөл эзэмшигчийн хуулийн олгогдсон эрх, боломжоо хэрэгжүүлэх, төсөл хэрэгжүүлэх үйл ажиллагаанд бусад дэмжлэгийг үзүүлэх.

ГУРАВ. КОМПАНИЙН ЭРХ, ҮҮРЭГ

3.1. Ерөнхий:

- 3.1.1. Үйл ажиллагаагаа хэвийн, тасралтгүй явуулахад орон нутгийн иргэн, хуулийн этгээдийн зүгээс хууль бусаар саад учруулсан тохиолдолд уг асуудлыг зохих журмын дагуу аймаг, сум, багийн Засаг дарга, түүний Тамгын газар, иргэдийн Төлөөлөгчдийн/Нийтийн Хуралд тавьж шийдвэрлүүлэх;
- 3.1.2. Орон нутгийн иргэдийн хөдөлмөр эрхлэлтийг дэмжих чиглэлээр орон нутгийн хөдөлмөрийн байгууллагатай хамтарч ажиллаж, шаардлагатай ажлын байр болон түүнд тавих шаардлагыг ил тод, нээлттэй хэлбэрээр нийтэд зарлах;

Засаг дарга



2 | 6

Компани



- 3.1.3. Хэрэгжүүлэх төсөл, арга хэмжээний хүрээнд шаардлагатай ажлын байрны сургалтын хөтөлбөр боловсруулж, тухайн орон нутгийн иргэдийг хамруулах ажлыг зохион байгуулах;
- 3.1.4. Нийт ажлын байрны 10-аас доошгүй хувьд тухайн орон нутгийн иргэдийг зохих түвшний сургалтад хамруулсны үндсэн дээр ажиллуулах;
- 3.1.5. Орон нутгийн оюутан залуусыг дадлага хийх нөхцөл боломжоор хангах;
- 3.1.6. Өөр орон нутгаас ажилтан, мэргэжилтэн урт хугацаагаар авч ажиллуулах тохиолдолд холбогдох хуулийн дагуу тухайн ажилтныг аймаг, сумын Хөдөлмөрийн байгууллагад бүртгүүлэх;
- 3.1.7. Хэрэгжүүлж байгаа төсөл, арга хэмжээ болон үйл ажиллагааныхаа талаар аймаг, сумын иргэдэд тогтмол буюу улирал тутам мэдээлэл өгч байх;
- 3.1.8. Бараа, ажил, үйлчилгээ худалдан авах, ажиллах хүч сонгохдоо тухайн орон нутагт бүртгэлтэй татвар төлөгч иргэн, хуулийн этгээдэд эхний ээлжинд давуу эрх олгох;
- 3.1.9. Байгаль орчны асуудал эрхэлсэн төрийн захиргааны төв байгууллагын баталсан байгаль орчныг хамгаалах ажлын төлөвлөгөө, хөтөлбөрийг биелүүлж ажиллах;
- 3.1.10. Гамшгийн үед сайн дурын үндсэн дээр тухайн орон нутагт техник, тоног төхөөрөмж, ажиллах хүчний болон бусад материаллаг туслалцаа үзүүлэх.

3.2. Хууль тогтоомжийг хэрэгжүүлэх чиглэлээр:

- 3.2.1. Тусгай зөвшөөрөл эзэмшигч нь Монгол Улсын Үндсэн хууль, Байгаль орчныг хамгаалах, Газрын тухай, Татварын тухай, Нийгмийн даатгалын тухай багц хуулиуд, Ашигт малтмалын тухай, Газрын хэвлийн тухай, Хөдөлмөрийн тухай, Хөдөлмөрийн аюулгүй байдал, эрүүл ахуйн тухай болон бусад холбогдох хууль тогтоомжийн хэрэгжилтийг хангаж ажиллах;
- 3.2.3. Хөгжлийн бэрхшээлтэй иргэдийг хуульд заасан хувь хэмжээгээр ажиллуулаагүйтэй холбоотой төлбөрийг Хөдөлмөрийн тухай хуулийн дагуу аймгийн Хөдөлмөр эрхлэлтийн санд бүрэн төвлөрүүлэх.

3.3. Орон нутгийн хөгжлийг дэмжих чиглэлээр:

- 3.3.1. Говь-Алтай аймгийн хөгжилд тодорхой хувь нэмэр оруулж, боломжтой дэмжлэг, туслалцааг 3.3.2-т заагдсан орон нутгийн хөгжлийн хөтөлбөрийн хүрээнд үзүүлнэ;
- 3.3.2. Тусгай зөвшөөрөл эзэмшигч нь “Орон нутгийн хөгжлийн хөтөлбөр”-ийг жил бүр боловсруулан хэрэгжүүлнэ.

3.4. Байгаль хамгаалах чиглэлээр:

- 3.4.1. Үйлдвэр, уурхайн байгаль орчныг хамгаалах менежментийн төлөвлөгөө болон тайланг олон нийтэд танилцуулж, уурхайн үйл ажиллагааны тухай нутгийн иргэдийг мэдээллээр хангах ажлыг тухай бүр нь аймгийн, сум, багийн Засаг дарга, түүний Тамгын газар, ИТХ болон ИНХ-тай хамтран зохион байгуулж ажиллана.
- 3.4.2. Байгаль орчны нөлөөллийн нарийвчилсан үнэлгээгээр тодорхойлсон төлөвлөгөөний дагуу үйлдвэр, уурхайн орчин, замын маршрутын дагуу хөрс, ургамал, булаг шанд, гол горхи, ан амьтан хамгаалах, худаг, уст цэг гаргах ажлыг зохион байгуулж холбогдох нөхөн сэргээлтийг хийх;
- 3.4.3. Туслан гүйцэтгэгч аж ахуйн нэгжүүдийн байгаль орчныг хамгаалах менежментийн төлөвлөгөө, тайланд хяналт тавьж ажиллах;
- 3.4.4. Байгалийн нөөц ашигласны төлбөрийг тухайн үед мөрдөгдөж байгаа хууль, эрх бүхий байгууллагаас баталсан тарифын хэмжээгээр тооцож, орон нутгийн төсөвт төлөх ба ус ашиглах нөхцөл нь бусад ус ашиглагчтай адил байна.



3.5. Дэд бүтцийн чиглэлээр:

- 3.5.1. Уурхай орчмын бүс нутгийн дэд бүтцийг сайжруулах зорилгоор орон нутгийн чанартай автозамыг засаж сайжруулах;

ДӨРӨВ. ХАМТЫН АЖИЛЛАГААНЫ ХОРОО

- 4.1. Талуудын гэрээ байгуулах үйл явц болон гэрээний хэрэгжилтэд хяналт тавих ажлыг зохион байгуулах үүрэг бүхий Хамтын ажиллагааны хороо (цаашид "хороо" гэх)-г аймаг, сумын Засаг даргын Тамгын газар, тусгай зөвшөөрөл эзэмшигч болон тухайн орон нутгийн иргэдийн төлөөллийг оролцуулан байгуулж ажиллуулна.
- 4.2. Хороо нь талуудын оролцоог тэгш хангасан байна. Хорооны бүрэлдэхүүнд орох иргэдийн төлөөллийг багийн иргэдийн Нийтийн Хурлаас нэр дэвшүүлнэ. Хорооны бүрэлдэхүүнийг аймгийн Засаг дарга томилж, чөлөөлнө.
- 4.3. Хороо нь гэрээ байгуулах үйл явц болон гэрээний хэрэгжилтэд хяналт тавьж ажиллана.

ТАВ. ГЭРЭЭНИЙ ХУГАЦАА, ХЭРЭГЖИЛТ

- 5.1. Гэрээний ил тод байдлыг хангах зорилгоор тухайн орон нутгийн иргэдэд гэрээ байгуулсан талаар мэдээлэх бөгөөд гэрээ, түүнтэй холбогдсон баримт бичгийг талуудын цахим хуудсанд ажлын 3 хоногийн дотор байршуулна. Гэрээний хувийг ажлын 5 хоногийн дотор аймаг, сумын Олборлох үйлдвэрлэлийн ил тод байдлын санаачилгын дэд зөвлөлд хүргүүлнэ.
- 5.2. Талууд гэрээний биелэлтийг жил бүр дүгнэж, тайланг дараа оны 2 дугаар сарын 1-ний дотор аймаг, сумын иргэдийн Төлөөлөгчдийн Хуралд хүргүүлнэ.
- 5.3. Талууд гэрээний тухайн жилийн биелэлтийн тайланг дараа оны 2 дугаар сарын 15-ны өдрийн дотор Геологи, уул уурхайн асуудал хариуцсан төрийн захиргааны байгууллагад хүргүүлнэ.

ЗУРГАА. ГЭРЭЭНИЙ ХАРИУЦЛАГА

- 6.1. Энэхүү гэрээ нь Талуудын хууль тогтоомжид заасан бусад үүргээс татгалзах үндэслэл болохгүй.
- 6.2. Талууд гэрээний үүргээ биелүүлээгүй тохиолдолд холбогдох хууль тогтоомжийн дагуу хариуцлага хүлээнэ.
- 6.3 Талуудын аль нэг нь байгалийн болон гэнэтийн давагдашгүй нөхцөл байдлын улмаас гэрээнд заасан үүргээ биелүүлэх боломжгүй болсон тохиолдолд гэрээгээр хүлээсэн үүргээс харилцан чөлөөлөгдөнө.
- 6.4. Гэрээгээр хүлээсэн эрх, үүргээ гуравдагч этгээдэд шилжүүлэхийг хориглоно.

ДОЛОО. МАРГААН ШИЙДВЭРЛЭХ

- 7.1. Талууд гэрээний хэрэгжилттэй холбоотой үүссэн маргаан, зөрчлийг эв зүйгээр шийдвэрлэхийг эрмэлзэнэ.
- 7.2. Гэрээний нэг тал нь нөгөө талынхаа үйл ажиллагаатай холбоотой гомдлыг эрх бүхий Төрийн захиргааны байгууллагад гаргаж болно.
- 7.3. Талууд маргаан, зөрчлийг эв зүйгээр шийдвэрлэж чадахгүй тохиолдолд Монгол Улсын Шүүхээр шийдвэрлүүлнэ.

НАЙМ. ГЭРЭЭ ХҮЧИН ТӨГӨЛДӨР БОЛОХ

Засаг дарга



4 | 6

Компани



- 8.1. Талууд гарын үсэг зурсан өдрөөс хойш 2025 оны 12 дугаар сарын 31 хүртэл гэрээ хүчин төгөлдөр үйлчилнэ.
- 8.2. Давагдашгүй хүчин зүйлсийн улмаас гэрээг хугацаанаас өмнө дуусгавар болгож болно.
- 8.3. Талууд харилцан тохиролцсоны үндсэн дээр гэрээнд нэмэлт, өөрчлөлт оруулж болно. Гэрээнд оруулсан нэмэлт, өөрчлөлт нь гэрээний нэгэн адил хүчинтэй байх бөгөөд түүний салшгүй хэсэг болно.
- 8.4. Гэрээг Монгол хэл дээр 3 хувь үйлдэнэ. Зайлшгүй тохиолдолд гэрээний хувийг Англи хэл дээр үйлдэж болно.

ГОВЬ-АЛТАЙ АЙМАГ БОЛОН
ЕСӨНБУЛАГ СУМЫГ ТӨЛӨӨЛЖ

Хүлээн зөвшөөрсөн:

Нэр: А.АЛТАНХУЯГ

Албан тушаал: ЗАСАГ ДАРГА



“ХАН АЛТАЙ РЕСУРС” ХХК-ИЙГ
ТӨЛӨӨЛЖ

Хүлээн зөвшөөрсөн:

Нэр: Ц.БАТПҮРЭВ

Албан тушаал: ГҮЙЦЭТГЭХ ЗАХИРАЛ



2023 оны 01 дүгээр сарын 20-ны өдрийн
Нийгмийн хариуцлагын ОТН-РО-1771
тоот гэрээний хавсралт

ОРОН НУТГИЙН ХӨГЖЛИЙГ ДЭМЖИХ ЗОРИЛГООР
2023-2025 ОНД ХЭРЭГЖҮҮЛЭХ АРГА ХЭМЖЭЭНИЙ ЖАГСААЛТ

№	Арга хэмжээний нэрс	Хэрэгжүүлэх хугацаа	Дуусах хугацаа	Санхүүжилтийн дүн
1	Соёлын өвийг хамгаалах дэд хөтөлбөрийг хэрэгжүүлэх	2023.01.02	2025.12.31	Хан Алтай ресурс ХХК-ийн 2023 онд батлагдсан төсвөөр гүйцэтгэнэ.
2	Орон нутгийн иргэдийн боловсрол, эрүүл мэндийг дэмжих дэд хөтөлбөрийг хэрэгжүүлэх	2023.01.02	2025.12.31	
3	Орон нутгийн дэд бүтцийг хөгжүүлэх дэд хөтөлбөрийг хэрэгжүүлэх	2023.01.02	2025.12.31	
4	Орон нутгийн бизнес, эдийн засгийг дэмжих дэд хөтөлбөрийг хэрэгжүүлэх	2023.01.02	2025.12.31	
5	Хамтын оролцоотой байгаль орчны хяналт шинжилгээний дэд хөтөлбөрийг хэрэгжүүлэх	2023.01.02	2025.12.31	
6	Хан Алтай төслийн талбайд ажиллаж байгаа авто тээврийн хэрэгсэл, хүнд машин механизмийг орон нутгийн дугаартай болгож, холбогдох татварыг орон нутгийн төсөвт төвлөрүүлэх	2023.01.02	2025.12.31	

Засаг дарга



6 | 6

Компани



